

# INUIT ATAQATIGIIT

## Inatsisartuni



25. september 2019.

**Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.**

**Naalakkersuisunut apeqquq:**

- 1. Danskit naalakkersuisuinut ikiorneqarnissamut noqqaassuteqarnermi danskit naalakkersuisuinut isumaqatiginninniarnermi meeqqat inuusuttullu pillugit Suliniaqatigiiffiit isumaat tusarniaaffigineqarsimappat?**
  - a. Akissut naamiuppat: Suna pissutigalugu meeqqat inuusuttullu pillugit Suliniaqatigiiffiit tusarniaaffigineqarsimangillat?**
- 2. Meeqqat inuusuttullu pillugit Suliniaqatigiiffiit meeqqanut suliniutinut tunngatillugu suleqatigineqarnissaannut Naalakkersuisut qanoq pilersaaruteqarpat?**
- 3. Danskit naalakkersuisuinut ikiorneqarnissamut noqqaassuteqarnermi danskit naalakkersuisuinut isumaqatiginninniarnermi meeqqat ikiorneqarnissaannut pisariaqartitaannut naapertuuttuunissaa qanoq qulakkeerniarneqarpa?**
- 4. Meeqqat maannakkorpiaq ikiorneqarnissaannut suliniutit suut aallartereerpat?**
  - a. Akissut naamiuppat: Sooq ikiuinerit suli aallartinneqarsimangillat?**
- 5. Siunissaq ungasinnerusoq isigalugu meeqqat ikiorneqarnissaannut qanoq pilersaaruteqartoqarnersoq Naalakkersuisut tunngavilersuisinnaappat?**
- 6. Nunatsinni meeqqat ikiorneqarnissaannut aningaasartuutaasussat pillugit Naalakkersuisut paasissutissiisinnaappat?**
- 7. Naalakkersuisut danskit naalakkersuisuinut meeqqat ikiorneqarnissaat pillugu qanoq isumaqatigiissuteqarpat?**

**a. Isumaqatigiissuteqartoqarpat imarisaa nassuiaatigerusunneqarpa?**

**b. Naalackersuisut danskit naalackersuisuisalu meeqqat ikiorneqarnissaat pillugu qanoq suleqatigiinnissaq takorloorpaat?**

(Inatsisartuni ilaasortaq Aqqa Samuelsen, Inuit Ataqtigiit)

**Tungavilersuut:**

Nunatsinni meeqqat inuusuttullu pillugit Suliniaqatigiiffiit Naalackersuisunut ammasumik allagaqarsimapput imatut qulequtserlugu: Politikkerinut allakkat: Aaqqiissuteqarnissamut suliniuteqarnermi peqataatitsiartigut!

Danmarkimut ikiorneqarnissamut noqqaassuteqarnermi danskit Naalackersuisuinut isumaqatiginninniarnermi meeqqat inuusuttullu pillugit Suliniaqatigiiffiit tusarniaaffigineqarsimanersut Naalackersuisut nassuiaateqassasut kissaatigaara, tusarniaasoqarsimangippallu suna pissutigalugu tusarniaasoqarsimanginnersoq paasisaqarfigerusullugu. Nunatsinni meeqqanut inuusuttunullu aaqqiissuteqarnissamut suliniuteqarnermi meeqqat inuusuttullu pillugit Suliniaqatigiiffiit pinngitsoorneqarsinnaangillat, aaqqiiniarnermilu suliniutini qanimut peqataatilluinnarneqartariaqartut isumaqarlunga.

Ikorsiisoqarnissaanut kommunit kissaataat saqqummiunneqarput. Kommunit kissaataat paasilluarneqarsinnaapput, taamaattorli siunissaq ungasinnerusoq isigalugu meeqqat ikiorneqarnissaannut qanoq pilersaaruteqartoqarnersoq erseqqinnerusumik saqqummiussisoqarani.